



Demisaun Membru F-FDTL - PNTL: Nu'udar Reformasaun Disiplina?

Mahein Nia Lian Nú. 83, 19 Agostu 2014



Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estadus Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha publikasaun relatoriu sira ne'e la representa vizaun husi Ajénsia Estadus Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org



Lista Kontiudu

Kontiudu sira	2
Introdusaun	3
Metodolojia	3
Prosesu Establesementu, Rekrutamentu no Reformasaun Disiplina	4
Fatór sira Ne'ebé Kontribui Demisaun Membru F-FDTL – PNTL	6
Konkluzau	10
Rekomendasaun	10
Bibliografia	11



Introdusaun

Iha Timor-Leste nia historia, mosu demisaun extra-ordinariu dala-primeiru marka ho momentum protesta petisionariu iha instituisaun F-FDTL nia laran.¹ Iha ne'ebé ikus mai komandu F-FDTL foti desizaun hodi halo demisaun hasoru membru militar ativu maizumenus hamutuk 591 pesoas ne'ebé abandona Quartel Jeral Metinaro hodi halo asaun pasifiku iha kapital Dili.² Ikus mai hamosu krize polítika no militar, hamate mos disfunsaun iha setór siguransa.³

Relasiona ho krize 2006 ne'ebé fo notas mean ba instituisaun F-FDTL – PNTL sai naha-todan ida ba Governu atu hadi'a hodi bele hetan konfiansa fila fali husi públiku. Ho nune'e, Governu produz lejislasaun no regulamentu ba instituisaun F-FDTL – PNTL nian. Nune'e mos halo reformasaun radikal hodi halo demisaun ba militar no polisia ne'ebé identikadu involve iha grupu petisionariu, no abandona sira nia Quartel durante periodu krize.⁴

Nu'udar kontempla ona iha Planu Estratejiku Dezenvolimentu Nasional – PEDN no Programa V Governu Konstitusional hodi halo reformasaun instituisaun militar no polisia, Governu kontinua hametin disiplina hodi implementa lei no regulamentu disiplinar ba membru militar no polisia ne'ebé la kumpri lei no regulamentu interna instituisaun nian. Iha ne'ebé inisiu tinan 2014, Superior husi instituisaun F-FDTL no PNTL halo demisaun rigrozu ba nia membru sira.⁵

Relatoriu ida ne'e atu halo análiza klean kona-bá desizaun komandu superior instituisaun F-FDTL – PNTL hasoru nia membru sira no oinsa rekejitu demisaun ne'e rasik. Inklus asuntu rekrutamentu no prosedementu demisaun ba membru F-FDTL – PNTL ho ninia kauza no impaktu husi demisaun ne'e rasik. Pontu rekomendasaun nu'udar rezultadu husi estudu ida ne'e atu bele Governu tau konsiderasaun hodi hametin disiplina instituisaun F-FDTL – PNTL iha futuru.

Metodolojia

Iha estudu ida ne'e uza metodu diskusaun ho metodu *Security Sector Discussion* – SSD iha nivel ekipa peskizador. Rekoilla dados liu husi publikasaun media nasional ne'ebé iha relasaun ho asuntu demisaun iha instituisaun F-FDTL – PNTL. Análiza lejislasaun no regulamentu disiplinar ba militar no polisia nian. Inklui mos halo entrevista ho fontes importante sira ne'ebé iha kompetensia ba asuntu demisaun nian.

¹ Crisis Group. (2006, Outobru 06). Meneyelesaikan Krisis Di Timor-Leste. Relatoriu Crisis Group.pdf.

² Dede. (2007, Juñu 27). STL - PM Estanislau: Odamatan F-FDTL Taka ba Petisionariu. Media STL. Bele asesu iha link ne'e; <https://groups.yahoo.com/neo/groups/east-timor-studies/conversations/topics/10312>

³ CIGI. (2009). Monitor ba Rerforma Setor Siguransa.pdf.p1. <http://www.ssresourcecentre.org/wp-content/uploads/2010/06/SSRM-East-Timor-v.1-Tetum.pdf>

⁴ Sequera, Jacinta & Ximenes, Luciana. (2014, Maiu 05). Membru PNTL 6 Pozetivu Hetan Demisaun. Media STL. <http://suara-timor-lorosae.com/membru-pntl-6-pozetivu-hetan-demisaun/>

⁵ May. (2014, Februari 24). Polisia Nain 7 No F-FDTL Nain 4 Sei Demite. Media Diariu Nasional. <http://www.jndiario.com/2014/02/24/polisia-nain-7-no-f-fdtl-nain-4-sei-demite/>



Objetivu husi estudu ida ne'e la'os atu dezafia polítika demisaun husi komandu superior instituisaun F-FDTL – PNTL ne'ebe aplika demisaun ba nia membru sira. Maibe atu loke espasu ba diskusaun públiku relasiona ho prosesu demisaun ne'ebé durante ne'e la'o. Nu'udar parte ida hodi halo reformasaun mentalidade membru militar no polisia atu kumpri lei no orden iha ambitu serbi nasaun no povu Timor-Leste.

Prosesu Establesementu, Rekrutamentu no Reformasaun Disiplina

a. Instituisaun F-FDTL

Establesementu instituisaun F-FDTL hahu iha tempu Governu tranzitoriu ONU nian. Ho ninia konjuntura milítar maioria mai husi ativista veteranu no klandestina. Konjuntura milítar ida ne'e sai nu'udar fonte deskontetementu iha sosiadade Timor-Leste momentu ne'eba. Nomos sai obstaklu ida ba Governu atu moderniza lalais instituisaun F-FDTL tuir versaun *The Centre for International Governance Innovation* – CIGI nu'udar organizasaun internasional ne'ebé halo estudu iha tempu refere.⁶

Hakat husi istoria FALINTIL ne'ebé nu'udar forsa guirellia no mehi atu hari'i forsa ida modernu sai kompromisiu polítika Governu Timor-Leste, hahu husi primeiru Governasaun to'o ohin loron. Liu husi hadi'a infra-estrutur, moderniza ekipamentu milítar, kriasaun lejislasaun no aumenta rekursu umanu.⁷ Iha ne'ebé administra no jere direktamente husi gabeti Sekretariu Estadu Defeza – SED nian.⁸

Hodi garante reukursu umanu instituisaun ne'ebé kualifikadu, proesusu rekrutamentu ne'ebé establese mai ho ninia kriteria ida todan. Hahu husi prosesu selesaun, periodu treinamentu. Iha ne'ebé ninia baze legal mai husi rezolusaun Konsellu Ministru nian.⁹ Nune'e mos lei Serbisu Milítar kona-bá kompetensia Governu atu halo rekrutamentu hodi hetan rekursu umanu ba instituisaun F-FDTL.¹⁰

⁶ CIGI: (2009). Monitor ba Reforma Seitor Siguransa.pdf.p2. <http://www.ssrresourcecentre.org/wp-content/uploads/2010/06/SSRM-East-Timor-v.1-Tetum.pdf>

⁷ Fundasaun Mahein. (2013, Setembru 27). Progresu no Dezafiu Kooperasaun Defeza Timor-Leste. Mahein Nia Hanoin Nú. 02.pdf.

⁸ Sanches, Tomas. (2013, Agosto 30). Conselho Ministru Aprova Rejolusaun Rekrutamentu F-FDTL. Media STL. <http://suara-timor-lorosae.com/konselho-ministru-aprova-rejolusaun-rekrutamentu-f-fdtl/>

⁹ Ixo. (2014, Janeiro 06). Rekrutamentu F-FDTL Ba Tinan Ida Ne'e Rigorozu Tebes. Media Diariu Nasional. <http://www.jndiario.com/2014/01/06/rekrutamentu-f-fdtl-ba-tinan-ida-nee-rigorozu-tebes/>

¹⁰ RDTL. (2007). Definisau no operasaun Rekrutamentu Milítar nian. Artigu 8. Dekretu Lei Serbisu Milítar Nian.pdf. p3.



Hare'e husi esforsu Governu nian durante ne'e hodi hametin profesionalizmu instituisaun F-FDTL presiza ita louva no rekuinese. Governu hasai lei no regulamentu disiplina milítar hodi kontrola lalaok membru F-FDTL. Maibe, kestaun disiplina, maturidade, espíritu nasionalizmu no patriotizmu soldadu balun sei nafatin sai obstaklu ida ba prosesu dezenvolimentu instituisaun F-FDTL.¹¹ Iha ne'ebé durante ne'e sai preokupasau ba entidade tomak iha nasaun ida ne'e, liu-liu Komandante Supremu F-FDTL nu'udar mos Prezidenti Repúblika Taur Matan Ruak.¹²

Nu'udar asaun ida konkretu hodi halo reforma disiplina iha instituisaun F-FDTL nia laran, durante ne'e Komandu Superior foti ona desizaun rigrozu balun hasoru membru F-FDTL sira ne'ebé la obdese ba lei no regulamentu milítar nian. Faktus sira maka iha tinan 2014 nia laran instituisaun F-FDTL halo demisaun ba membru lubuk ida ne'ebé indisciplinadu, abandona serbisu no komete krime.¹³

Relasiona ho desizaun ba demisaun ne'ebé komandu superior foti hodi aplika ba soldadu milítar ne'ebé indisciplinadu hatudu katak iha duni komitmentu husi hirarkia milítar atu profesionaliza instituisaun no reforma mentalidade soldadu sira. Fundasaun Mahein husu atu komandu F-FDTL kontinua mantein ba komitmentu ida ne'e atu bele garante prestiju instituisaun F-FDTL iha públiku no comunidade internasional.

b. Instituisaun PNTL

Establesementu instituisaun PNTL ninia baze fundamentu mai husi dokumentu planu ba paz ne'ebé públika no uza nu'udar instrumentu kampaña husi Consellhu Nacional do Rezistencia de Timorens – CNRT iha faze ukun-an. Katak, sei la estabelese forsa armada regular ida, eis gerileiru sira ne'ebé tun mai husi ai laran sei transforma ba Polisia Nasional ida.¹⁴ Ikus mai estabelese duni instituisaun polisial iha tempu tranzisaun ONU nian, iha 27 Marsu 2000.¹⁵

Nu'udar instituisaun foun ne'ebé estabelese iha faze ukun-an nia laran, ho ninia prosesu lidera husi *United Nation Police* – UNPOL hamosu deskontente balun iha instituisaun PNTL. Liu-liu prosesu rekrutamentu ne'ebé tuir kriteria internasional, la konsidera kandidatu ne'e pro-otonomia ka pro-independensia. Rejultadu maka maioria membru PNTL ninia orijinalidade mai husi organizasaun movimentu klandestina, Grupu Arte Marsiais no komponente sira seluk.¹⁶

¹¹ Flo. (2014, Febreiru 05). F-FDTL Diferente ho FALINTIL. Media Timor Post.

<http://www.diariutimorpost.tl/berita-946-ffdtl-diferente-ho-falintil.html>

¹² May. (2014, Februari 03). Taur Apela Ba F-FDTL Mantein Disiplina. Media Diariu Nasional.

<http://www.jndiario.com/2014/02/03/taur-apela-ba-f-dtl-mantein-disiplina/>

¹³ May. (2014, Maiu 30). Komando F-FDTL Demite Membru 19. Media Diariu Nasional.

<http://www.jndiario.com/2014/05/30/komando-f-dtl-demite-membru-19/>

¹⁴ Nire, Sarah. (2000). *To Resist is to Win: The Autobiography of Xanana Gusmão*. Aurora Book.p139.

¹⁵ Fundasaun Mahein. (2010, Dezembru 14). Rekrutamentu ba PNTL: Dalan Naruk ba Profesionalismu. Mahein Nia Lian Nú. 05.pdf. <http://www.fundasaunmahein.org/wp-content/uploads/2010/12/mahein-nia-lian-no-15-141210-tet.pdf>

¹⁶ Fundasaun Mahein. (2010, Dezembru 14). Rekrutamentu ba PNTL: Dalan Naruk ba Profesionalismu. Mahein Nia Lian Nú. 05.pdf. <http://www.fundasaunmahein.org/wp-content/uploads/2010/12/mahein-nia-lian-no-15-141210-tet.pdf>



Hakait husi erru iha rekrutamentu inisiu ba membru foun ikus mai hamosu grupuzimu iha instituisaun PNTL no ninia finalidade maka sai hun no abut ba krize polítika milítar 2006 nian.¹⁷ Iha ne'ebé públiku kestiona profesionalizmu instituisaun PNTL nomos hafoer naran diak instituisaun polísia iha comunidade internasional. Ida ne'e, halo Governu tenki hanoin estra hodi dezeña planu no etateja atu hadi'a pretiju instituisaun nian.¹⁸

Asaun konkretu ne'ebé Goevrnu halo maka fortika disiplina iha interna instituisaun PNTL. Liu-liu implementa sansaun ba membru polísia ne'ebé la respeitu lei no orden, viola regulamentu no presedementu legal instituisaun nian. Iha ne'ebé liu husi komandu PNTL hasai membru balun husi kargu polísial iha tinan 2009 to'o 2014 nu'udar parte ida atu halo reformasaun disiplina instituisaun ninia.¹⁹

Tuir Fundasaun Mahein nia hanoin katak asaun demisaun ne'ebé Konsellu Superior PNTL foti desizaun ne'e hatudu katak iha ona vontade polítika ne'ebé diak atu hadi'a no profesionaliza instituisaun PNTL, partikularmente hametin disiplina membru PNTL. Tanba, disiplina nu'udar parte ida importante husi membru sira iha ambitu serbi nasaun no povu. Maibe, tenki la'o ho koridor legal sira atu nune'e desizaun ba demisaun sira labele hamosu fali impaktu ba instituisaun. Purke, iha deskonfia demisaun balun konsidera iha tendensia polítika.²⁰

Fatór sira Ne'ebé Kontribui Demisaun Membru F-FDTL – PNTL

Instituisaun F-FDTL – PNTL iha ninia regulamentu disiplinar no lei organiku sira ne'ebé sai nu'udar ukun-fuan hodi regula lala'ok membru sira. Uku-fuan hirak ne'e atu hakesi membru F-FDTL – PNTL hodi obdese lei no orden, loyalidade ba instituisaun inklui respeitu diretus umanu iha ambitu serbi nasaun no povu. Maibe, realidade membru F-FDTL – PNTL hakat liu regulamentu no lei sira, hatudu indisciplinadu, la hakruk ba ninia hirarkia instituisaun inklui mos hatudu hahalok premanizmu ne'ebé fo impaktu negativu ba prestiju instituisaun.

¹⁷ Fundasaun Mahein. (2012, Outobru 22). UNPOL Nia Realizasaun Husi 2006 – 2012. Mahein Nia Lian Nú. 40.pdf. http://www.fundasaunmahein.org/wp-content/uploads/2012/10/MNL_Nu.-40_22102012_UNPOL.pdf

¹⁸ Fundasaun Mahein. (2011, Jullu 21). Dezenvolvimentu Polisia Nasional Timor-Leste (PNTL). Mahein Nia Lian Nú. 21.pdf. http://www.fundasaunmahein.org/wp-content/uploads/2011/08/fm-nia-lian-21_21jullu-2011.pdf

¹⁹ Jeronimo, Carlos. (2014, Agostu 07) Xefi Departamentu Justisa PNTL. Entrevista Pesoal.

²⁰ Sequera, Jacinta. (2014, Jullu 01). Membru 12 La Satisfas ho Demisaun, Komandu Fo Oportunidade Halo Rekursu. Media STL. <http://suara-timor-lorosae.com/membru-12-la-satisfas-ho-demisaun-komandu-fo-oportunidade-halo-rekursu/>



1. Membro F-FDTL

1.1. Infrasaun Disiplinar

Kestaun infrasaun disiplinar sai obstaklu boot ba profesionalizmu no prestiju instituisaun F-FDTL durante ne'e. Maske Governu halo ona esforsu maka'as hodi dezenvolve instituisaun F-FDTL liu husi kriasaun lei no regulamentu. Maibe, membru militar barak kontinua viola lei no regulamentu instituisaun nian. Iha ne'ebé sai preokupasaun ba Prezidenti Repúblika Taur Matan Ruak no husu atu membru militar hatudu ninia disciplina hodi hakruk ba lei no regulamentu instituisaun nian.²¹

Aktu indisciplinadu husi membru militar ne'ebé la kumpri lei no prosedementu legal seluk fo impkatu ba sira nia kareira militar nian. Membro F-FDTL balun maka hetan ona demisaun husi instituisaun. Iha Marsu 2014, Komandu Superior F-FDTL halo demisaun daruak ba soldadu hamutuk 19 pesoas tanba no la tuir regras ne'ebé maka estabelese, falta to'o liu fulan 3 nia laran.²² Iha ne'ebé viola Regulamentu Disiplina Militar artigu 4 alinea 2 kona-bá dever hodi kumpri orden serbisu militar nian.²³

Hakait ba implementasaun demisaun husi komandu F-FDTL hasoru ninia membru F-FDTL ne'ebé indisciplinadu hatudu katak Governu no lideransa militar iha komitmentu atu hadi'a no dezenvolve instituisaun F-FDTL, partikularmente atu reforma disciplina soldadu sira hodi sai profesional diak liu tan iha futuru. Maibe, reformasaun disciplina la'os ho deit fo demisaun ka fo sansaun, Governu preziza hare'e kondisaun moris ba membru militar atu sira bele iha vontade hodi serbi nasaun no povu.²⁴

1.2. Komete Krime

Fatór seluk husi indisciplinadu ne'ebé hamosu demisaun ba membru F-FDTL maka asaun krime ne'ebé sira komete. Tuir Konstituisaun RDTL katak F-FDTL nu'udar lutu nasaun ne'ebé iha ninia misaun konstitusional maka atu fo salva guarda ba nia nasaun no povu husi ameasa esterna.²⁵ Nune'e mos tuir regulamentu disiplinar militar katak la aturiza membru militar involve iha asaun sira ne'ebé la tuir moral públiku ne'ebé estraga prestiju instituisaun F-FDTL.²⁶

Maibe, iha pratika lor-loron atetude no hahalok membru F-FDTL hakat liu orden konstituisaun no regulamentu militar. Membro F-FDTL balun komete krime hanesan baku ema, no krime sira seluk ne'ebé ikus mai komandu foti desizaun hodi halo demisaun hasoru autor sira. Hanesan

²¹ RDTL. (2014). Taur Matan Ruak: F-FDTL Mak Sai Simbolu ba Estabilidade no Dezenvolvimentu Timor-Leste. Jornal Defeza Nacional.p10.

²² May. (2014, Maiu 30). Komando F-FDTL Demite Membro 19. Media Diariu Nasional.

<http://www.jndiario.com/2014/05/30/komando-f-fdtl-demite-membro-19/>

²³ MD. (2007, Jullu). Dever Militar Nian Artigu 4 alinea 2. Regulamentu Disiplinar Militar – RDM.p7

²⁴ Da, Costa, Paulo. (2014, Jullu 27). Eis Lider Klandestina no Veteranu. Entrevista Pesoad.

²⁵ RDTL. (2002, Marsu 22). Forsa Armada Nian. Artigu 146 Alinea 2. Konstituisaun RDTL.p115.

²⁶ MD. (2007, Jullu). Dever Militar Nian Artigu 4 alinea 2. Regulamentu Disiplinar Militar – RDM.p12.



kazu demisaun ne'ebé komandu superior F-FDTL aplika dahuluk iha Janeiru 2014 ba nia membru sira hamutuk 24 pesoas, idetifika balun komete krime.²⁷

Ida ne'e hatudu katak membru F-FDTL balun seidauk hatudu an nu'udar forsa ne'ebé sai lutu ba nasaun no povu. Maibe hatudu fali ninia mentalidade premanizmu hodi halo asaun krime iha comunidade.²⁸ Hahalok indisciplinadu no aktu krime ne'ebé membru F-FDTL sai asuntu seriu ne'ebé Xefi Estadu kestiaona. Nune'e mos Xefi Estadu Maior F-FDTL husu soldadu instituisaun F-FDTL tenki tane as disiplina, lealidade, onestidade no esperito nasionalismu atu nune'e bele garantia pretiju inistituisaun iha comunidade nia leet.²⁹

Tuir Fundasaun Mahein katak aktu krime membru F-FDTL sira ne'e bele estraga naran diak instituisaun ne'ebé hari'i ho ran no ruin. Presiza komandu superior F-FDTL kontinua aplika sasaun demisaun hasoru sira atu nune'e bele sai lisaun ida ba membru ativu seluk hodi tau as disiplina no hases an ba aktu krime ne'ebé bele estraga imajen instituisaun F-FDTL.

2. Membru PNTL

2.1. *Infrasaun Disiplinar*

Fatór ne'ebé kontribui ba demisaun iha instituisaun PNTL mos la ses husi infrasaun disiplinar ne'ebé membru polisia sira komete. Membru PNTL barak maka laiha disiplina hodi abandona serbisu no tama serbisu la tuir oras. Iha ne'ebé viola regulamentu disiplina kona-bá kumpri objetivu institusional servisu nian, nune'e bele hala'o nafatin públiku nia interese no buka kumpri ho regulamentu no instrusaun hirak kona ba serbisu nian.³⁰

Husi aktu indisciplinadu membru PNTL sira ne'e halo komandu PNTL deside hodi halo demisaun ba membru lubuk ida hahu tinan 2009 to'o ohin loron. Bazeia ba entrevista Fundasaun Mahein ho Xefi Departamentu Justisa PNTL katak hahu husi 2009 to'o 2014 instituisun PNTL halo ona demisaun ba membru 28 ne'ebé maioria halo infrasaun disiplinar tanba abandona serbisu no balun komete krime.³¹

Hare'e husi estatistika demisaun ne'ebé komandu PNTL foti hatudu katak iha ona seriadade hodi profesionaliza instituisaun PNTL. Iha ne'ebé prosesu demisaun ne'e liu husi enkontru Konsellu Superior PNTL kompostu husi komandante polisia distritu hotu. Hanesan notifika iha fulan Maiu tinan ida ne'e hodi demizaun ba membru PNTL hamutuk 14 tanba konsidera indisciplinadu.³²

²⁷ May. (2014, Maiu 30). Komando F-FDTL Demite Membru 19. Media Diariu Nasional.

<http://www.jndiario.com/2014/05/30/komando-f-ftdl-demite-membru-19/>

²⁸ Da, Costa, Paulo. (2014, Jullu 27). Eis Lider Klandestina no Veteranu. Entrevista Pesoal.

²⁹ May. (2014, Februari 03). Taur Apela Ba F-FDTL Mantein Disiplina. Media Diariu Nasional.

<http://www.jndiario.com/2014/02/03/taur-apela-ba-f-ftdl-mantein-disiplina/>

³⁰ RDTL. (2004). REGULAMENTU KONA BA DISIPLINA IHA POLISIA NASIONAL TIMOR-LESTE Artigu 12-13. Dekretu Lei.pdf.p7.

³¹ Jeronimo, Carlos. (2014, Agostu 07) Xefi Departamentu Justisa PNTL. Entrevista Pesoal.

³² May. (2014, Maiu 06). Konsellu Superior PNTL Demite Membrus Nain 8. Media Diariu Nasional.

<http://www.jndiario.com/2014/05/06/konsellu-superior-pntl-demite-membrus-nain-8/>



Asaun implementasaun ne'ebé aplika husi komandu PNTL hasoru nia membru sira ne'e tuir Fundasaun Mahein nia hare'e nesesariu duni no merese wainhira ajente polisia ne'ebé viola regulamentu disiplinar. Maibe, komandu mos tenki tau konsiderasaun katak presiza hadi'a internal instituisaun, liu-liu kona-bá distribuisaun tarefa serbisu ba membru PNTL. Inklui hadi'a jestaun administrasaun no tane as nasionalizmu iha instituisaun laran.

Tanba, tuir Fundasaun Mahein nian monitorizasaun katak kauza sira ne'ebé halo ajenti polisia balun la disiplina relasiona ho laiha tarefa serbisu ne'ebé klaru ba sira. Nune'e mos sistema promosaun ne'ebé nakonu ho diskriminasaun hamihis vontade membru polisia sira atu serbisu. Ho Ida ne'e, Fundasaun Mahein husu ba komandu atu fo atensaun mos ba kestaun kikoan sira ne'ebé sai nu'udar dezafiu ida ba membru polisia ninia disiplina.

2.2. Komete Krime

Nu'udar mensiona iha konstituisaun RDTL no lei organiku PNTL PNTL hanesan forsa siguransa ida ne'ebé iha misaun atu defende legalidade demokrátiku, garante siguransa sidadaun no bens nian no proteje direitu sidadaun nian tuir termu ne'ebé estabelese iha Konstituisaun no iha Lei sira.³³ Iha ne'ebé tuir filozofia polisiamentu nian PNTL iha karakterístika polisia komunitária.³⁴

Maske nune'e, hahalok membru polisia iha terenu viola lei organiku PNTL no regulamentu disiplina polisial nian. Membru PNTL balun sai komete krime no hatudu atusaun brutalizmu durante atusaun. Nune'e mos uza sala kilat ne'ebé ikus mai comunidade balun mate husi membru PNTL nia kilat musan. Iha ne'ebé rejistu katak maizumenus liu ema na'in 5 ne'ebé mate hafoin liu tiha periodu krize, la sura ho durante tempu krize polítika milítar 2006.³⁵

Relasiona ho aktu membru PNTL ne'ebé hatudu jeitu preman hodi hakat regulamentu disiplinar, liu-liu halo asaun krime hasoru comunidade lori konsekuiensa boot ba sira nia kareira polisia nian tanba hetan demisaun husi komandu PNTL. Faktus ida hatudu katak tinan ida ne'e Konsellu Superior PNTL halo demisaun hasoru membru na'in 8 tanba komete krime durante periodu krize 2006 inklui halakon pistola no kilat boot iha tinan hirak liu ba.³⁶

Hare'e husi desizaun komandu nian hodi demite membru PNTL ne'ebé komete krime durante ne'e ita bele konklui katak instituisaun polisial hahu ona pasu pozitivu atu hadi'a an no profesionaliza instituisaun, partikularmente hodi reforma mentalidade membru ajente PNTL sira

³³ RDTL. (2009, Febreiru 18). LEI ORGANIKA POLÍCIA NASIONAL TIMOR-LESTE (PNTL). Artigu 1 Alinea 1. Dekretu Lei PNTL.pdf.p1.

³⁴ RDTL. (2009, Febreiru 18). LEI ORGANIKA POLÍCIA NASIONAL TIMOR-LESTE (PNTL). Artigu 1 Alinea 2. Dekretu Lei PNTL.pdf.p2.

³⁵ Fundasaun Mahein. (2011, Novembru 30). PNTL nia Kilat Atu Fo Seguru Ka Hatauk?. Mahein Nia Lian Nú. 25.pdf. <http://www.fundasaunmahein.org/wp-content/uploads/2011/11/MNL-no.25-30112011.pdf>

³⁶ May. (2014, Maiu 06). Konsellu Superior PNTL Demite Membrus Nain 8. Media Diariu Nasional. <http://www.jndiario.com/2014/05/06/konsellu-superior-pntl-demite-membrus-nain-8/>

hodi serbi diak liu tan komunidad. ³⁷ Maibe, Fundasaun Mahein husu atu hatudu transparansia iha prosesu demisaun. Tanba, membru PNTL balun ne'ebé hetan demisaun durante ne'e senti ladun kontente, konsidera pratika demisaun nakonu ho intervensaun polítika. ³⁸

Konkluzau

F-FDTL – PNTL nu'udar instituisaun milítar no polísia ne'ebé nia misaun importante atu asegura soberania nasaun no povu Timor-Leste. Maibe, nia dezenvolvimentu instituisaun sei iha dezafiu barak intermuz profesionalizmu instituisaun no disiplina membru sira. Maske, desizaun rigrozu balun ne'ebé komandu husi instituisaun F-FDTL no PNTL foti hodi demite nia membru sira ne'ebé viola regulamentu disiplinar instituisaun nian

Kestaun hirak ne'e presiza hetan seriu husi husi Governu hodi dezeña planu no estratejia hodi profesionaliza F-FDTL – PNTL iha futuru. Liu-liu hadi'a jestaun rekurus umanu ho proporsionalidade ba tarefa serbisu, halakon sistema favoritizmu, kria kondisaun minimu ba membru milítar no polísia atu nune'e labele hamihis vontade serbisu no lealidade ba instituisaun.

Liga ba desizaun ba demisaun ne'ebé durante ne'e komandu F-FDTL – PNTL halo aplika ba nia membru sira ne'ebé indisciplinadu nu'udar anin fresku ba sosiadade Timor-Leste. Katak, mehi Governu atu dezevolve instituisaun milítar no polísial ne'ebé profesional hahu ona hatudu sinal pozitivu. No, hein katak desizaun ba demisaun ne'e sai duni ona afrimasaun ida husi komandu instituisaun F-FDTL – PNTL atu reforma mentalidade membru sira, agora no ba futuru.

FM nia Rekomendasaun

1. Rekomenda ba instituisaun F-FDTL – PNTL atu kontinua fortifika instituisaun bazeia ba lei no regulamentu instituisaun. Aplika sasaun ba membru F-FDTL – PNTL ne'ebé la obdese ba lei no lealidade ba hirarkia instituisaun. Nune'e mos kontinua hadi'a jestaun rekurus umanu iha instituisaun laran atu nune'e bele profesionaliza diak liu tan instituisaun milítar no polísial.
2. Rekomenda ba públiku (komunidade) atu fo informasaun ba komandu instituisaun F-FDTL – PNTL wainhira hetan membru milítar no polísia hatudu hahalok indisciplinadu no asaun krime iha komunidade. Nu'udar parte ida husi kontrolu públiku hodi hadi'a no dezevolve diak liu tan ita nia instituisaun milítar no polísia.

³⁷ Jeronimo, Carlos. (2014, Agostu 07) Xefi Departamentu Justisa PNTL. Entrevista Pesoal.

³⁸ Sequera, Jacinta. (2014, Janeiru 28). Komando PNTL Sei Demite Membru Nebe La Disiplina. <http://www.jndiario.com/2014/01/28/komando-pntl-sei-demite-membru-nebe-la-disiplina/>



Bibliografia

- CIGI. (2009). Monitor ba Rerforma Setor Siguransa.pdf.p1.
<http://www.ssrresourcecentre.org/wp-content/uploads/2010/06/SSRM-East-Timor-v.1-Tetum.pdf>
- Crisis Group. (2006, Outobru 06). Meneyelesaikan Krisis Di Timor-Leste.
Relatoriu Crisis Group.pdf.
- Dede. (2007, Juñu 27). STL - PM Estanislau: Odamatan F-FDTL Taka ba Petisionariu.
Media STL. Bele asesu iha link ne'e; <https://groups.yahoo.com/neo/groups/east-timor-studies/conversations/topics/10312>
- Da, Costa, Paulo. (2014, Jullu 27). Eis Lider Klandestina no Veteranu.
Intervista Pesoa
- Flo. (2014, Febreiru 05). F-FDTL Diferente ho FALINTIL.
Media Timor Post. <http://www.diariutimorpost.tl/berita-946-ffdtl-diferente-ho-falintil.html>
- Fundasaun Mahein. (2013, Setembru 27). Progresu no Dezafiu Kooperasaun Defeza Timor-Leste. Mahein Nia Hainin Nú. 02.pdf.
- Fundasaun Mahein. (2010, Dezembru 14). Rekrutamentu ba PNTL: Dalam Naruk ba Profesionalismu. Mahein Nia Lian Nú. 05.pdf. <http://www.fundasaunmahein.org/wp-content/uploads/2010/12/mahein-nia-lian-no-15-141210-tet.pdf>
- Fundasaun Mahein. (2012, Outobru 22). UNPOL Nia Realizasaun Husi 2006 – 2012.
Mahein Nia Lian Nú. 40.pdf. http://www.fundasaunmahein.org/wp-content/uploads/2012/10/MNL_Nu.-40_22102012_UNPOL.pdf
- Fundasaun Mahein. (2011, Novembru 30). PNTL nia Kilat Atu Fo Seguru Ka Hatauk?.
Mahein Nia Lian Nú. 25.pdf. <http://www.fundasaunmahein.org/wp-content/uploads/2011/11/MNL-no.25-30112011.pdf>
- Ixo. (2014, Janeiru 06). Rekrutamentu F-FDTL Ba Tinan Ida Ne'e Rigorozu Tebes.
Media Diariu Nasional. <http://www.jndiario.com/2014/01/06/rekrutamentu-f-fdtl-ba-tinan-ida-nee-rigorozu-tebes/>
- Jeronimo, Carlos. (2014, Agostu 07) Xefi Departamentu Justisa PNTL.
Intervista Pesoa.
- May. (2014, Februari 24). Polisia Nain 7 No F-FDTL Nain 4 Sei Demite.
Media Diariu Nasional. <http://www.jndiario.com/2014/02/24/polisia-nain-7-no-f-fdtl-nain-4-sei-demite/>
- May. (2014, Februari 03). Taur Apela Ba F-FDTL Mantein Disiplina.
Media Diariu Nasional. <http://www.jndiario.com/2014/02/03/taur-apela-ba-f-fdtl-mantein-disiplina/>



- May. (2014, Maiu 30). Komando F-FDTL Demite Membru 19. Media Diariu Nasional. <http://www.jndiario.com/2014/05/30/komando-f-fdtl-demite-membru-19/>
- MD. (2007, Jullu). Dever Militar Nian Artigu 4 alinea 2. Regulamento Disiplinar Militar – RDM.p7
- Nire, Sarah. (2000). *To Resist is to Win: The Autobiography of Xanana Gusmão*. Aurora Book.p139.
- RDTL. (2007). Definisaun no operasaun Rekrutamentu Militar nian. Artigu 8. Dekretu Lei Serbisu Militar Nian.pdf. p3.
- RDTL. (2014). Taur Matan Ruak: F-FDTL Mak Sai Simbolu ba Estabilidade no Dezenvolvimentu Timor-Leste. Jornal Defeza Nasional.p10
- RDTL. (2002, Marsu 22). Forsa Armada Nian. Artigu 146 Alinea 2. Konstituisaun RDTL.p115.
- RDTL. (2004). REGULAMENTU KONA BA DISIPLINA IHA POLISIA NASIONAL TIMOR-LESTE Artigu 12-13. Dekretu Lei.pdf.p7
- Sequera, Jacinta & Ximenes, Luciana. (2014, Maiu 05). Membru PNTL 6 Pozetivu Hetan Demisaun. Media STL. <http://suara-timor-lorosae.com/membru-pntl-6-pozetivu-hetan-demisaun/>
- Sanches, Tomas. (2013, Agostu 30). Conselho Ministru Aprova Rejolusaun Rekrutamentu F-FDTL. Media STL. <http://suara-timor-lorosae.com/konselho-ministru-aprova-rejolusaun-rekrutamentu-f-fdtl/>
- Sequera, Jacinta. (2014, Jullu 01). Membru 12 La Satisfas ho Demisaun, Komandu Fo Oportunidade Halo Rekursu. Media STL. <http://suara-timor-lorosae.com/membru-12-la-satisfas-ho-demisaun-komandu-fo-oportunidade-halo-rekursu/>